



UTOQQALINERSIAT

1. Aallaqqaasiut

Utoqqalinersiat tapiissutaapput 67-inik ukioqalereerninni qinnutigisinnaasatit. Kalaallit Nunaanni utoqqaat soraarninngorsimasut aningaasaqarnikkut isumannaallisaa vigineqarnissaat, ilutigitillugulu utoqqalinissamut ileqqaarnissap soqutiginarnerunissaa, utoqqalinersiaqartitsinermut siunertaavoq. Tamatuma saniatigut soraarnerit suliinnarnissamut pisinnaasut perusuttullu – immaqa sivikinnerusumik – pitsaanerusumik aamma atugassaqartinneqassapput. Malittarisassat soraarnernut innuttaasunullu utoqqalinersiaqalernissamut qinnuteqartunut tamanut atuupput.

2. Utoqqalinersiaqalernissamut kikkut qinnuteqarsinnaappat?

Ulloq 1. januaari 2025 aallarnerfigalugu utoqqalinersiaqarsinnaalernissamut 67-inik ukioqalersimassaatit. Inunnulli ukiuni ikinnerpaamik 35-ini timikkut tarnikkullu artukkernartumik sulisimasunit qinnuteqarnerup kingorna 65-inik ukioqalernerannit utoqqalinersiaqartitsinissamik kommunalbestyrelsi aalajangiisinnaavoq. Inatsimmi piumasaqaatinut matumunnga malittarisassat qinnuteqartumit naammassineqarpata tunniussisoqarsinnaavoq. Qinnuteqartup akissarsiortuunerminit aamma/imaluunniit namminersortumik inuussutissarsiuteqarnerminit kingunerisaanik nungullarsimanissaa ilaatigut piumasaqaataavoq. Suli suliffeqarnissat aamma piumasaqaataavoq. Ilanngullugu Danmarkimi innuttaassuseqarlutillu Kalaallit Nunaanni najugaqassaatit imaluunniit qinnuteqarneq sioqqullugu ukiuni pingasuni kingullerni Kalaallit Nunaanni aalajangersimasumik najugaqarsimassallutit.

3. Qanoq ilillunga utoqqalinersiaqalernissamut qinnuteqarsinnaavunga?

Utoqqalinersiaqalernissamut qinnuteqarusukkuut kommunimut saaffiginnissaatit. Tassunga atatillugu utoqqalinersiaqalernissannut piumasaqaatit aalajangersimasut arlallit tamatigut naammassineqarsimasussat eqqumaffiginissaat pingaaruteqarpoq. Utoqqalinersiaqareersimaguit utoqqalinersiaqalernissamut nutaamik qinnuteqassanngilatit. Utoqqalinersiaqalernissannik qinnuteqarniaruit qinnuteqarnissamut immersugassiaq immersorneqassaaq. Taanna najukkanni kommunip allaffiani pissarsiarisinnaavat. NemID-eeqaruit [Sullissivik.gl](https://sullissivik.gl) aqqutigalugu qarasasiakkut aamma immersuisinnaavutit. NemID netbankimut atortakkat atorsinnaavat. Eqqaamassavat nammineerlutit utoqqalinersiaqalernissamut qinnuteqartussaagavit. Siusinaartumik soraarnerussutisiaqaruit 67-inik ukioqaleruit ingerlaannartumik utoqqalinersiaqalissaatit. Katissimallugu aappaqaruit, nalunaarsukkamik aappaqaruit katissimanermulluunniit assingusumik sivikinnerpaamik ukiumik ataatsimik sivilissuseqartumik inooqateqaruit katissimasat/nalunaarsukkamik aapparissat/inooqatigisat marlunnik immersuissaaq. Taakku najukkanni kommunip allaffiani piniarsinnaavatit.





Piffissaagallartillugu qinnuteqarnissat inassutigineqarpoq. 67-inik ukioqalernissannut qaammatit marluk missaat sioqqullugu qinnuteqarnissat innersuussutaavooq.

4. Utoqqalinersiat annertussusaat

Utoqqalinersiat tassaapput tunngaviusumik utoqqalinersiat utoqqalinersianullu tapit. Tamatuma saniatigut immikkut ittumik pisoqartillugu tapisiaasinnaasunut arlalinnut periarfissaqarpoq.

Tunngaviusumik utoqqalinersiat utoqqalinersialinnut tamanut assigiipput, utoqqalinersianulli tapinut akigititaq assigiinngiaarsinnaavoq qanoq isertitaqarnersutit apeqqutaalluni.

Utoqqalinersianut tapeq assigiinngissinnaavoq, tassani apeqqutaalluni aappaqarnerlutik imalunniit kisimiinnerlutit.

Utoqqalinersialik utoqqalinersiaqanngittumik aappalik/inooqatilik pillugu immikkut malittarisassaqarpoq, aamma aappariit ukiumut kr. 300.000 ataallugit isertitalinnut. Tamatuma malitsigaa kisimiittumut annertusisamik utoqqalinersiaqarneq.

4.1 Utoqqalinersianut akigitat

Utoqqalinersianut akigitat tullinnguuttut 1. januaari 2025-miit atuupput.

- Tamanut tunngaviusumik utoqqalinersiat ukiumut 79.763 kr.-it tikillugit amerlassuseqarput
- Utoqqalinersianut tapit kisermaamut ukiumut 87.012 kr.-upput
- Utoqqalinersianut tapit utoqqalinersialimmut utoqqalinersiaqanngitsumik aappalimmut/inooqatilimmut ukiumut 87.012 kr.-it tikillugit amerlassuseqarput, aappariit massakkut isertitaat katillugit 300.000 kr.-it ikinneruppata.
- Utoqqalinersianut tapit utoqqalinersialinnut aappalinnut/inooqatilinnut ukiumut 48.366 kr.-it tikillugit amerlassuseqarput.

Utoqqalinersiat ima ineriartortinneqartarput¹:

TUNNGAVIUSUMIK UTOQQALINERSIAT (tamarmik) 79.763 kr.		
UTOQQALINER- SIANUT TAPIT (kisermaanut)	UTOQQALINER- SIANUT TAPIT (aappariit)	UTOQQALINER- SIANUT TAPIT* (aappariit ukiumut 300.000 kr.-nit ikinnerusumik isertitallit)
87.012 kr.	48.366 kr.	87.012 kr.





TAPIT ALLAT

(soraarnerussutisialinnut immikkut pisariaqartitsisunut)
ANINGAASAT AMERLASSUSAAT ALLANNGORARPOT

4.2 qanoq paasineqassava ?

Aapparisaq/inooqatigisaq tassaavoq inuk katissimallugu aapparisaq, nalunaarsukkamik aapparisaq katissimanermulluunniit assingusumik sivikinnerpaamik ukiumi ataatsimi inooqatigisat.

4.3 Suut “isertitatut” isigineqassappat ?

Isertitatut pineqarput illit “massakkorpiaq A-tut isertitat aamma B-tut isertitat isertitavit katinneqarnerat”. Massakkorpiaq isertitat isertitallu akileraarutaasussat assigiinngitsuupput, tassami isertitat akileraarutaasussat assigiinngitsut massakkorpiaq isertitatut isigineqarneq ajorput.

Massakkorpiaq isertitat aallaaviatigut tassaasarput illit aapparisaqavillu qaammatini kingullerni 12-ni A-tut aamma B-tut isertitassi katinneqarnerat.

Assersuutigalugu akissarsiaasinnaapput namminerluunniit utoqqalinissamut ileqqaakkat.

Takusassiami tulluuttumi takusinnaavat isertitat suut ilaanersut suullu ilaannginnersut.





"Isertitatut" natsorsuutigineqartut	"Isertitatut" naatsorsuutigineqanngitsut
A-TUT ISERTITAT Akissarsiat Ilinniagaqarnersiutit Utoqqalinersianut nammineq ileqqaakkat Siulersuisunut ilaasortatut aningaasarsiat B-TUT ISERTITAT Ernianit isertitat Obligationit aningaasallu tammaraveeqqusikkat Akissarsiat Nammineq suliffeqarfiutigisamit sinneqartoorutit Tunisat Atorfeqarnermut atatillugu iluaqutit akeqanngitsut	A-TUT ISERTITAT*² Utoqqalinersiat Siusinaartumik soraarnerussutisiat Inunnut Isumaginninnikkut Isumannaallisaaneq pillugu Nunat Avannarliit isumaqatigiissutaa malillugu soraarnerussutisiat B-TUT ISERTITAT Paaqqinninnersiutisiat Pilertortumik paarsinermut akissarsiat Meeqqanut paarineqartunut oqilisaassisuunermut akissarsiat ISERTITAT AKILERAARUSIGASSAANNGITSUT (soorlu ineqarnermut tapiissutit)

Aalajangersimasumik ilanngaas: Innuttaasut tamarmik aalajangersimasumik 10.000 kr.-nik ilanngaateqartarput, taanna utoqqalinersianut atatillugu atorineqarsinnaavoq. Illit aapparisaavillu/ inooqatigisavillu A-tut B-tullu isertitassinni 10.000 kr.-it siulliit massakkorpiaq isertitassinni ilaatinneqassannginnerannik tamanna isumaqarpoq.

Utoqqalinersiaqalernissamik qinnuteqaruit kommuni suleqatigalugu massakkorpiaq isertitassatit naatsorsuusiorneqassapput utoqqalinersiaqaleruit isertitatit allann guuteqartussaammata.

4.4 Isertitat allanngorpata qanoq pisoqassava ?

Illit utoqqalinersiavit saniatigut isertitaqartaruit tassanngaannartumik allannguuteqartunik assersuutigalugu piffissap ilaannaani sulisaleruit sulisarunnaaruilluunniit imaluunniit aapparisaat/inooqatigisat paaqqinnittarfimmut nuuppat, tamanna utoqqalinersiannut sunniuteqassaaq.

Massakkorpiaq isertitatit malunnaatilimmik allannguuteqarpata kommunerisavit tamatuminnga ilisimatissallugu kiisalu massakkorpiaq siunissamilu isertitavit allannguutai





uppernarsaasissallugit pisussaaffeqarputit. Assersuutigalugu akissarsiat allagartaat, tunisinermut uppernarsaatit isumaqatigiisummilluunniit atorunnaarsitsineq uppernarsaatitut atorneqarsinnaapput. Tamatuma kingorna utoqqalinersiatit kommunimit naatsorsuiffigeqqinneqassapput, taamaasilluni inissisimaffiit piviusoq aallaavigineqassalluni. Taamaattumik ilaatigut oqartoqartarpoq "massakkorpiaq isertitat". Assersuutigalugu piffissap ilaannaani suliffiit annaasimagukku utoqqalinersianut tapinik qaffasinnerusunik sukkannerusunik tunineqarsinnaanissannik tamanna isumaqarpoq.

4.5 Utoqqalinersianik ikiliartortitsineq

Tunngaviusumik utoqqalinersianik utoqqalinersianullu tapinik pisartagaqarnissamut akuerineqarsimagaluaruilluunniit tamakkiisumik utoqqalinersianik pisartagaqarnissat qularnaarneqanngilaq. Utoqqalinersiavimmi aningaasartai ikilineqartarput illit massakkorpiaq isertitanut killissaq aalajangersimasoq qaangersimagukku. Killiliussat ukiut tamaasa aalajangersarneqartarput.

Ikiliartortitsineq: Illit killissaq qaangerlugu akissarsiaqaruit, utoqqalinersiavit aningaasartaannik ikinnerulersitsissapput.

Tamanna taaneqartarpoq *ikiliartortitsineq*.

Ikiliartortitsinerup aallartiffia:

- Tunngaviusumik utoqqalinersiat 411.540 kr.-iupput. Aningaasat taakku sinnerlugit akissarsiaqaruit, akissarsiatit killiliussap sinniissutaanik tunngaviusumik utoqqalinersiat koruunikkaarlugit 40 oorimik ikilissapput. Tunngaviusumik utoqqalinersiat piivinneqassapput, 610.949 kr.-inik amerlanerusunilluunniit akissarsiaqaruit. Uani aapparissavit/inooqatigisavit isertitai ilaatinneqanngillat.
- Utoqqalinersialik aappalik / inooqatilik utoqqalinersianut tapeq 191.134 kr. Aningaasat taakku sinnerlugit akissarsiguit, akissarsiatit killiliussap sinniissutaanik utoqqalinersiat tapeq koruuninngorlugit 22 oorimik ikilissapput. Utoqqalinersianut tapeq piivinneqassapput illit aapparissallu/inooqatigisallu 410.978 kr.-inik amerlanerusunik akissarsiaqarussi.
- Utoqqalinersianut tapeq kisimiittumut 162.934 kr. Aningaasat taakku sinnerlugit akissarsiguit, akissarsiat killiliussap sinniissutaanik utoqqalinersianut tapeq koruuninngorlugit 35 oorimik ikilissapput. Utoqqalinersianut tapeq piivinneqassaaq illit 411.540 kr.-inik amerlanerusunik akissarsiaqaruit
- Utoqqalinersialimmut utoqqalinersiaqanngitsumik aappalimmut/inooqatilimmut utoqqalinersianut tapit 162.934 kr.-iupput. Aappariit isertitaat katillugit 300.000 kr.-init ikinnerussapput. Aningaasat taakku sinnerlugit akissarsiguit utoqqalinersianut tapeq 35 oorimik ikilissapput. Taamaattumik illit utoqqalinersiatit malittarisassat malillugit utoqqalinersialimmik aaappalittut utoqqalinersiaqassaait.





4.6 Utoqqalinersianik akileraarusiisarneq

Akileraarusiisarneq: Utoqqalinersiat akileraarutaasussaapput, tamatuma kingunerisaanik utoqqalinersianik akileraartoqartartussaavoq, soorlu assersuutigalugu akissarsiat taamaaliorneqartatut.

Inummut ilanngaasut aalajangersimasumillu ilanngaasut: 60.000 kr. taakku utoqqalinersiannut atatillugu atorsinnaavatit. Inummut ilanngaasut aalajangersimasumillu ilanngaasut iluaqutigalugit utoqqalinersianni 60.000 kr.-init siulliit akileraaruteqarfigissanngilatit. Aalajangersimasumik ilanngaateqarputit kr.10.000,-.

5. Tapit

Utoqqalinersiallit tapinik arlalinnik pissarsisinnaapput assersuutigalugu meeqqamut pilersuisussaatitaagunik, innarluuteqarunik aningaasatigulluunniit annertuumik ajornartorsiuteqarunik.

5.1 Meeqqanut tapeq

Utoqqalinersiaqartuugut meeqqamullu 18-init inorlugit ukiulimmut pilersuisussaatitaallutit meeqqanut tapisisinnaavutit. Meeqqap ilinni najugaqarnissaa illillu Kalaallit Nunaanni aalajangersimasumik najugaqartuunissat piumasagaataavoq.

Meeqqanut tapeq qaammammut 1.068,50 kr.-iuvoq.

Meeqqanut tapeq peerneqassaaq

- Meeraq tamakkiisumik pisortanit pilersorneqarpat
- Meeraq ilinniagaqarnersiuteqarpat suliffimmiluunniit misiliinermini tapisiaqarpat
- Meeraq nammineq aapparissaminut/inooqatigissaminut namminerluunniit meeqqaminut pilersuisussanngortitaappat.

5.2 Tapit allat

Utoqqalinersiallit ilaannut innarluuteqarnermut peqqissutsimullu tapeqartitsinissamut, aningaasanut nammineq atorsinnaasanut aningaasatigulluunniit tapeqartitsinissamut periarfissaqarpoq.

Utoqqalinersiaqartuunissat Kalaallit Nunaannilu aalajangersimasumik najugaqartuunissat tapinut tamanut piumasagaataavoq. Tapit akigititallu sorliit pisartagarisinaanerlugit ersarinnerusumik paasiniallugu kommunerisat attavigiuk.

Innarluuteqarnermut peqqissutsimullu tapit: Tunniunneqarsinnaapput, timikkut tarnikkulluunniit annertuumik innarluuteqaruit.

Aningaasanut nammineq atorsinnaasanut tapit: Tunniunneqarsinnaapput, akileraarutip ilanngaatillu kingorna aningaasat sinneruttut isumatuumik inuuniarnissamut ikippallaartut kommune naliliippat. Assersuutigalugu ineqarnermut akiliutissat innaallagissamulluunniit akiligassat akissaqartinnikkukku tunniussisoqarsinnaavoq.





Aningaasatigut tapeq: Utoqqalinersialinnut immikkut aningaasatigut ajornartorsiut ilinnut aningaasanik ataasiartumik tunniussisoqarsinnaavoq. Tapeq taanna aningaasartuutitik pingaarnernik matussusiinermut taamaallaat tapiissutaavoq, assersuutigalugu piffissap ilaani nerisassanut aningaasaateqanngikkuit, kissarsuutivilluunniit uuliatortup ajoquteqalersimanera pissutigalugu iluarsaanneqartariaqarsimappat.

6. Danmarkimi utoqqalinersiat

Utoqqalinersiaqaruit Danmarkimullu nuullutit utoqqalinersiatit nassarsinnaanngilatit. Allatut oqaatigalugu Danmarkimut nuukkuit utoqqalinersiatit qaammatip naanerani unitsinneqassapput. Danmarkimili utoqqalinersiaqalernissamik qinnuteqarsinnaavutit. Piumasaqaataasut naammassisinnaagukkit taanna Danmarkimut piniariaruit qinnutigissavat. Danmarkimi najugaqartuuguit utoqqalinersiaqalernissamik taamaallaat qinnuteqarsinnaavutit. Taamaattumik nuunnivit oqartussanut nalunaarutiginnissaa eqqaamassavat.

7. Naammagittaalliuuteqarsinnaavutit

Kommuunip aalajangiinera isumaqatiginngikkukku, Isumaginninnermi Naammagittaalliuuteqartarfimmut naammagittaalliorsinnaavutit. Naammagittaalliornissamut immersugassiaq najukkanni kommunip allaffiani Sullissivik.gl-imiluunniit immersorlugu naammagittaalliuuteqarsinnaavutit. Taamaanngippat Isumaginninnermi Naammagittaalliuuteqartarfik allakkatigut, oqarasuaatikkut najukkamulluunniit ataani allaqqasumut saaffiginnillutit attaveqarsinnaavutit:

Isumaginninnermi Naammagittaalliuuteqartarfik

Imaneq 29 1. sal

Postboks 689

3900 Nuuk

Tlf: +299 32 80 33

Email: maalaarut@nanoq.gl

